

Niamatlahcuilol in teotlatitlantli Pablo tlen  
oquimihcuiluilih in tlaniltocanih

# Colosenses

**Pablo quintlahpaloua  
in tlaniltocanih tlen  
chanchiuah Colosas**

**1** Neh Pablo, itlatitlancau  
Cristo Jesús, ica nitlaniqui-  
litzin Dios. Neh uan in tocnii  
tlaniltocani Timoteo itnamechon-  
ihcuiluiliah  
**2**nin amatl nochtin namehuan-  
tzitzin niacatzitzin Dios naquin  
namonchanchiuah Colosas, na-  
quin milauac nanmoyolchicauah  
inauactzinco Cristo. In toTahtzin  
Dios uan toTecotzin Jesucristo  
manamechonpialican tetlasohita-  
listli, uan ninseuilitzin mai namo-  
uantzin.

**Pablo motlatlautia inauactzinco  
Dios ipampa in tlaniltocanih  
tlen chanchiuah Colosas**

**3**Nochipa ihcuac itnamechon-  
nochiliah Dios, itmotlasohcamatih  
inauactzinco Yehuatzin, niTahtzin  
in toTecotzin Jesucristo.  
**4**Itmotlasohcamatih nic yotmat-  
queh quen namontlaniltocah

inauactzinco Cristo Jesús, uan  
quen nanquimonyequitah nochtin  
niacatzitzin Yehuatzin,  
**5**pues nanconmatih tlenoh  
namechonnichialtihtoqueh iluicac.  
Nin namonichialis nanconpiah nic  
onanconcaqueh in tlen milauac  
tlahtol, yen tlahtol tlen cualica  
temaquixtilistli,  
**6**tlen namonauactzinco yoeh-  
coc, ohcon queh itich nochi in  
tlalticpactli. Nin tlahtol nouiyan  
moxinihtoc uan ictemactihtoc  
tlatiyotl, uan noiuqui ohcon mo-  
chiutoc namouantzin, desde in  
tonal ihcuac onanconcaqueh uan  
onanconahsicamatqueh quen mi-  
lauac nitetlasohtlaltitzin Dios.  
**7**Nochi non onamechonmachtih  
in Epafras, totlasohicniu naquin  
iuan itsepantiquitih inauactzinco  
Cristo, naquin se cuali itiquitcau  
Cristo namonauactzinco.  
**8**Yeh noiuqui yotechmatiltih  
namontetlasohtlalis tlen in Espíri-  
tu icmochiualtihtoc namotichtzin.  
**9**Ica non tehuan, desde in tonal  
ihcuac otmatqueh nochi non, amo

itcauah itnamechmonochilisqueh Dios. Ittlatlautiah mahsic ixconpiacan cuali ahsicamatilis uan ohcon ixconmatican nitlaniquilitzin Yehuatzin, uan ixconpiacan nochi yectlayoluilis uan ahsicamatilis tlen contemactia in Espiritu.

<sup>10</sup>Ohcon uilis namonninimisqueh quen icnami qui ninimisqueh naquin iaxcauan in toTecotzin, uan itich nochi nanconpaquilismacasqueh, uan nanconchuiasqueh nochi cuali chialistli, uan ocachi yec nanconixmatasqueh Dios.

<sup>11</sup>Ittlatlautiah Dios manamechonchicaua ica nochi nimouisticueyichicualitzin, uan ohcon xontlaxicocan itich nochi, ica pacahyouilis.

<sup>12</sup>Uan ica paquilistli xonmotlasohcamatican inauactzinco in toTahtzin Dios, naquin oquichiu nitiquitzin namotichtzin, uan ohcon axan uilis nanconsilisqueh tlen quimaxcatisqueh niaxcatzitzin itich nimouisticatlanetzin.

<sup>13</sup>Yehuatzin yotechonquixtih imac nichicualis in tlayouilotl, uan otechonpanoltih campa motlanauatilia nitlasohConetzin,

<sup>14</sup>naquin otechontlaxtlau [ica niesotzin], uan otechontlapohpoluih in totlahtlacol.

#### **Cristo octlalico seuilistli**

<sup>15</sup>Itichtzin Cristo monextihtzinoua yec quen ameh Dios, naquin amo uili secmoitilihtzinoua. Cristo tlayacantoc itich nochi tlen Dios ocmochiuilihtzinoh.

<sup>16</sup>Ica Yehuatzin Cristo tlachiutli nochi tlen cah, mayeh tlen cah iluicac uan tlalticpac, mayeh tlen mota uan mayeh tlen amo, mayeh tlen icpiah ueyitiquiuahcayotl, mayeh cuahcual tetecomeh, mayeh tlen tlayacanah, mayeh tlen uehueyi chicualismeh. Nochi omochiu ica Yehuatzin uan para Yehuatzin.

<sup>17</sup>Yehuatzin metzticah desde achtoh ihcuac ayamo itlahtlen ocatca, uan nochi tlen cah motlachicauilia itich nichicualitzin.

<sup>18</sup>Yehuatzin Cristo noiuqui poutoc queh itzonticon in tlaniltocanih. Yehuatzin naquin tlayacantoc itich nochi, naquin achtoh omoyancuicayolitihztzinoh itich miqulistli, uan ohcon axan motlayacanilihtoc ipan nochi.

<sup>19</sup>Pues Dios ocomopactilihtzinoh Cristo mai ameh mahsic yec quemeh Yehuatzin.

<sup>20</sup>Uan ica Yehuatzin Cristo, Dios octlalih seuilistli iuan nochi tlen cah, mayeh tlen cah tlalticpac uan mayeh tlen cah iluicac. Uan ohcon ica niesotzin tlen Cristo oconxaunih itich in cruz, Dios oconsehseuih nochi ixnamictli.

<sup>21</sup>Namehuantzitzin noiuqui, naquin achtoh amo onamonpouiah iuan Dios, uan onanconixnami quiah ica namoamoyectlanimilil uan namoamoyecchualis, axan Dios oconyacatlamico non ixnamictli tlen onanconpiayah iuan tzin.

<sup>22</sup>Ohcon omochiu ihcuac Cristo omochiutzinoco tlatatl uan ica

nimiquilitzin onamechonteixpan-tih iixpan Dios chipauaqueh, uan oquichiu acmo itlah tlahtlacol mai namotich, uan oquichiu acmo ixconpiacan itlah tlen manamechonixteneuilican.

<sup>23</sup>Tlen quemah, para non moniqui xonmotlachicauilican uan xonyequihcatocan itich in tlaniltoquilis, uan amotlen manamechonolini den yolchicaualistli tlen catqui itich in tlahtol tlen cualica temaquixtilistli. Nin tlahtol yehua tlen yonanconcaqueh uan motematiltia ic nouiyan itich nochi in tlaticipactli. Itich non tlahtol tlen cualica temaquixtilistli neh Pablo, Dios onechonchiu itiquitcatzin.

**In tiquitl tlen Dios ocmactih in Pablo innauac naquin amo judíos**

<sup>24</sup>Axan inpaqui ica tlen neh intlahyouia namopampa, pues ohcon mahxitihtiu itich notlalnacayo nitlahyouilis in Cristo ipampa nitlalnacayo, masequihto yen tlaniltocanih.

<sup>25</sup>Inauac yehuan Dios onechonchiu itiquitcatzin, pues onecmactih non tiquitl namonauac ohcon quen oyah nitlaniquilitzin, para manamechonmatilti mahsic nochi nitlahtoltzin;

<sup>26</sup>non itlahtoltzin techmatiltia nitlaniquilitzin Dios tlen desde ipeuyan nochi otlatiutoya, pero axan yomotematiltih innauac niacatzitzin.

<sup>27</sup>Dios ocomoniquiltihtzinoh quinmatiltis niacatzitzin quen tlaillius ueyi mouistic nin itla-

niquilitzin tlen otlatiutoya, para naquin amo namonjudíos. Uan yeh nin tlen otlatiutoya: Cristo chanchiutoc namotichtzin, uan inauactzinco nanconpiach in yolchicaualistli namonteuantisqueh itich nimouisticachantzin.

<sup>28</sup>Tehuan ittematiltiah de Cristo, itquinnahnuatiah nochtin tociuan, uan itquinmachtiah itich nochi cuali tlayoluilis, para nochtin itquinteixpantisqueh inauactzinco Dios mahsic chicauaqueh itich in tlaniltoquilis inauactzinco Cristo.

<sup>29</sup>Ica non neh inmochicaua uan intiquiti, ica necah chicaualistli tlen Yehuatzin nechonmactia uan ueyihcatiquiti notich.

**2** Inniqui ixconmatican quen chicauac inmotiquitiltihtoc namopampa, uan inpampa naquin pouih Laodicea, uan inpampa nochtin in tlaniltocanih naquin ayamo queman nechitztoqueh.

<sup>2</sup>Pues inniqui ixconpiacan yolchicaualistli, uan sansican xonsetiliutocan itich in tetlasohtlalis. Inniqui ixconahsican nochi mic yecahsicutatilis, uan ohcon yec ixconahsicutamatican in tlen achtoh otlatiutoya de nitlaniquilitzin Dios, tlen tlahtoua de Cristo.

<sup>3</sup>Itichtzin Cristo tlatiutoc nochi in tlen mic mouisticcualtzin tlayoluilis uan tlaixmatilis.

<sup>4</sup>Nin innamechonilua nic inniqui amaquin manamechontlaniltocitica cualtzin tlahtol.

<sup>5</sup>Pues masqui amo namouantzin nicah, noespíritu namouantzin

catqui, uan inpaqui nic inquita yec namonsintiliutoqueh uan namonyequihcatoqueh itich in tlaniltoquilis inauactzinco Cristo.

<sup>6</sup>Ica non, quen yonanconsiliqueh Cristo Jesús quemeh namo Tecotzin, ohcon xonnihnimican itich niohtectzin.

<sup>7</sup>Itich Yehuatzin xonmonilua-yotican, uan itich Yehuatzin xonmoscaltihtacan, uan xonmotlachicauilican ica in tlaniltoquilis, ohcon quen onamechonmachtihqueh, uan nochipa simi xonmotlasohcamatican inauactzinco Dios.

**Ica Yehuatzin Cristo ya  
nanconpiah nochi**

<sup>8</sup>Cuali xonmotlachialican, amo yeh acah namechonilpia ica tlen-sa tlamachtilis uan tlachahcayau-listli tlen motasniqui cualtzin, tlen ualeua itich nintlanextilil in tlat-ticpactlacameh, uan itich tlen-sa tlayoluilis tlen cah itich nin tlat-ticpactli, uan amo ualeua itich Cristo.

<sup>9</sup>Ixconmatican, itich nitlalnacayo Cristo ompa campa monextia mahsic quen ameh Yehuatzin Dios.

<sup>10</sup>Uan namehuantzitzin mahsic namonmoahxitiah itich Yehuatzin, naquin icpia chicalis itich nochi in chicalismeh uan nitlayacancuan.

<sup>11</sup>Inauactzinco Cristo nanconpiah in nescayotl tlen amo tlachiutli ica ima se tlat-ticpactlacatl, tlamo yeh yen Cristo onamechonnescayotih ihcuac onamechonquixtilih namotlat-ticpactlaniquilis.

<sup>12</sup>Pues ihcuac onanmocua-tequihqueh, ictosniqui queh onamonmiqueh uan onamechontlalpachohqueh iuantzin Cristo, uan iuan Yehuatzin oc-sipa onamonyancuicayolqueh, nic onanconniltocaqueh nichicaualit-zin Dios tlen ica oconyancuica-yolitih Cristo itich miquilistli.

<sup>13</sup>Achtoh namehuantzitzin onamonmictoyah ipampatica namotlahlacol, uan ayamo onamonnescayotitoyah. Pero axan Dios onamechonmactih yolilistli iuantzin Cristo, uan onamechontlapohpoluih nochi namotlah-lacol.

<sup>14</sup>Dios ocquixtilih nichicaualis necah tlahcuilol campa onestoya in tomicplateuiquil itich in tlanauatil. Nochi non Dios oconsohsac itich in cruz, uan ohcon oconyacatlamih.

<sup>15</sup>Uan yec oquintlamitlalpancau nintlayacancuan in amocuali ehecameh uan in chicalismeh, uan oquinoxtilih maquinmouiso-can uan oquinhpinautih ihcuac omotlatlanilihtzinoh itich in cruz ica nimiquilitzin Cristo.

**Namotlachialis mai itich  
tlen ualeua iluicac uan amo  
itich tlen poui tlat-ticpac**

<sup>16</sup>Ica non, amo quen ixconmatican tla namoca tlah-touah ica tlen nanconcuah noso nancononih, noso nic amo nanquimontlepan-itah siquin iluitonalmeh, yancuic metztlil noso moseuilistonal judío.

<sup>17</sup>Nochi non san quemeh iecauilo tlen mochiuas satapan, pero tlen

milauac uan amo san ecauil, yeh yen Cristo.

<sup>18</sup>Amo ixquimontlahtolcaquican naquin namechoniluah amitlah tetlaocolil namechonchia iluicac, necateh naquin mosiniah ica nimicnotecalis uan quintlacachiuah in iluicactlatitlanten. Yehuan simi mocalaquiah itich tlen quihtouah mach quihitah, uan moueyicasiniah ica nintlalticpactlayoluilis.

<sup>19</sup>Yehuan amo motlatzitzquilihtoqueh itichtzin Cristo, naquin yehua tzonticontli, pues yehua naquin quimiscaltihtoc in tlaniltocanih uan cuali quintiquipanohtoc uan yec quinsintilihtoc, uan quimiscaltihitiu ica in iscaltilis tlen ictemactia Dios.

<sup>20</sup>Tla yonamonmiqueh iuantzin Cristo uan ohcon yonanconcauqueh quen tlayoluiah itich nin tltalticpac, ¿tleca oc namonninimih quemeh oc namonpouih itich in tltalticpac uan oc nancontlacamatih tlanauatilten

<sup>21</sup>queh nin: “Amo ixcana non, amo ixyecocacah, amo ixzitzqui non?”

<sup>22</sup>Nochtin ninqueh tlanauatilten uan ihmachtlisten ualeuah itich in tlacameh, uan tlahtouah de nochi tlen yacatlami ohcon quen seccuittiu.

<sup>23</sup>Yeh milauac, nonqueh tlanauatilten mota tlachiuten ica yectlayoluilistli, teniquiliah mase-monexti queh simi setlatlacamatini uan queh simi semicnotecani, uan simi masectlahyoutli seitlalnacayo. Masqui ohcon, tlamilauca

nochi non sannencah, nic amotlen tematlani semotzacuilis ihcuac tetilana seitlalticpactlaniquilis.

**3** Ica non, tla yonamonyancuicayolqueh iuantzin Cristo, ixcontemocan tlen ualeua iluicac, campa Cristo metzticah iyecmapantzinco Dios.

<sup>2</sup>Ixcontlalican namotlachialis itich tlen ualeua iluicac, uan amo itich tlen poui tltalticpac.

<sup>3</sup>Ixonmatican, namehuantzitzin yonamonmiqueh, uan axan namoyolilis tlatiutoc iuantzin Cristo inauactzinco Dios.

<sup>4</sup>Ihcuac Cristo, naquin yehua namoyolilis, monextihtzinos, ihcuacon namehuantzitzin noiiqui iuantzin namonmonextisqueh itich nimouisticchipaucatlanetzin.

#### In toachtoh uan toyancuicninimilis

<sup>5</sup>Ica non, ixconpohpolocan de namehuantzitzin in tltalticpactlaniquilis: amacah pitzotic maaxtinimi ica nitlalnacayo, amo xonmoyacanan ica xolopihtic tlayoluil uan tleyasa pitzotic tlaniquilis, amo ixcontlasohtlacan tlen amo yec, uan amo xonxihxicuintican nanconmoaxcatisqueh nochi, pues non tlatlacol quisa queh sectlacachiutoc itlah ocse quemeh seiddios.

<sup>6</sup>Ica nonqueh chiuallisten uitz nicualanilitzin Dios impan aquihqueh amo tlatlacamatinih.

<sup>7</sup>Itich nochi non, namehuantzitzin achtot noiiqui itich onamonninimiah, ihcuac onanconchiuayah nochi non.

<sup>8</sup>Pero axan namehuantzitzin no-  
iuqui moniqui ixconcauacan nochi  
nin: cualanilistli, tlauel, amocual-  
yotl, pitzotic teteneualis, uan itich  
namocamac amo maquisa pitzotic  
uan tepinautih tlahtol.

<sup>9</sup>Amo xonmislacauican; pues  
yonancontlatiuihqueh namotlat-  
ticpactlaniquilis tlen onancon-  
quentoyah, uan yonanconcauqueh  
tlen achtoh onanconchiuayah.

<sup>10</sup>Uan axan ya namontlaquen-  
toqueh ica in yancuicyectlani-  
quilstli, tlen moyancuicachiutiu  
ohcon quen ameh Dios naquin  
otechonyancuicachiu, hasta mah-  
sic yec matmixmatilican.

<sup>11</sup>Axan acmo icchiuilia max acah  
judfo noso griego, noso judiohnes-  
cayotitoc noso amo, noso tlaixmat-  
qui noso sansimi amo tlaixmatqui,  
noso cah temac queh esclavo noso  
amo cah temac queh esclavo. Por-  
que Cristo icyacapanauia nochi  
nin, uan itich nochtin namehuan-  
tzitzin metztichah.

<sup>12</sup>Dios onamechonpihpin, uan  
oquichiu xonican iaxcatzitzin uan  
namechontlasohtla. Ica non xon-  
motlaquentican ica in yancuic-  
yectlaniquilis, ictosniqui simi  
xonteicnoitacan, xonican cualmeh  
coconeh, xonmicnotecacan, xon-  
moyecuicacan iuan nocsiquin uan  
ixconpiacan pacahyouilistli.

<sup>13</sup>Xonmosepantlaxicouilican, uan  
xonmosepantlapohpoluican tla  
itlah ica namonmocualanihtoqueh.  
Ohcon quemeh in toTecotzin  
onamechontlapohpoluih, ohcon  
noiuqui ixconchiuacan.

<sup>14</sup>Uan tlen quemah, ixconmo-  
sepanpialican tetlasohtlalis, pues  
yeh non tlen yec tesintilia.

<sup>15</sup>Uan niseuilitzin Dios matlatiqui-  
ti itich namoyolo, pues ica non  
Dios onamechonnotz nic icniqui  
xonican san se quemeh seitlalna-  
cayo. Uan nochipa xonmotlasoh-  
camatican.

<sup>16</sup>Nitlahtoltzin Cristo matlacuito  
yec itich namoyolo, ica yectlayol-  
uilstli xonmosepanmachtican  
uan xonmosepannahnuatican  
quenih nanconchuiasqueh tlen  
cuali. Ixconcuicatican Dios ica  
mic tetlasohcamatilis itich namo-  
yolo, ica Salmos uan cuicatl tlen  
ictlacachiu Yehuatzin uan cuicatl  
tlen teyolyacana in Espíritu Santo.

<sup>17</sup>Nochi tlen nanconchuiasqueh  
noso nanconihtosqueh, ixcon-  
chiuacan ica nitoocaatzin in  
toTecotzin Jesús, uan xonmo-  
tlasohcamatican inauactzinco in  
toTahtzin Dios ica nitoocaatzin  
Yehuatzin Cristo.

**Quenih icnamiqui  
mosepanuicasqueh in  
tlaniltocanih itich nincalihtic**

<sup>18</sup>Siameh namiquehqueh, ix-  
contlacamatican namotlaical  
quen icnamiqui tlatlacamatisqueh  
naquin tlaniltocah inauactzinco in  
toTecotzin.

<sup>19</sup>Tlacameh namiquehqueh, ixcon-  
tlasohtlacan namosiuau uan amo  
xonican namoncuehsiuqueh in-  
nauac.

<sup>20</sup>Coconeh, ixquintlacamatican  
namotahuan itich noch; yeh

non tlen comopactilihtzinoua in toTecotzin.

<sup>21</sup>Tetahmeh, amo ixquimontlauecalacaquican namoconeuantzitzin, para amo mayoltaacolcalaquican.

<sup>22</sup>Naquin namoncateh temacqueh esclavos, ixquimontlacamatican itich nochi naquin namotecouan nican tlalticpac. Amo san ihcuac namechonitztoqueh ixquimonyectiquitilican, quemeh icchiuah naquin icniquih cuali mocauasqueh san inauac in tlalticpactlacatl, tlamo yeh ixquimonyectiquitilican ica nochi namoyolo, ica tlamouilil inauactzinco Dios.

<sup>23</sup>Uan nochi tlen nanconchiuasqueh, ixconchiuacan ica nochi namoyolo, queh nancontiquitilihtoqueh yen toTecotzin uan amo yen tlacameh.

<sup>24</sup>Pues nanconmatih nic in toTecotzin namechontlaxtlauis ica tlen namechonpialihtoc namechonaxcatis. ¡Ixconmatican yen toTecotzin Cristo naquin nancontiquitilihtoqueh!

<sup>25</sup>Pero naquin icchiua tlen amo yec icsilis nitlaxtlauil ohcon quen oquichiu, pues inauactzinco amo cah techicoitalis.

**4** Namehuantzitzin tetecomeh, ixquimonmactican tlen icnamiqui uan ixquimonyequitacanamoesclavos. Ixconilnamiquican, namehuantzitzin noiuqui nanconpiah iluicac se namoTeco.

### Pablo quinnahnauatia in tlaniltocanih

<sup>2</sup>Amo ixconcauacan nanconmochilisqueh Dios, xontlachixtocan ompa uan xonmotlasohcamatican inauactzinco.

<sup>3</sup>Noiuqui ixtechonnochilican Dios tehuan, para Yehuatzin macchiua mamotemaca ittenonotzasqueh nitlahtoltzin Yehuatzin, uan ohcon mattematiltican in tlahtol de Cristo tlen achtoh otlatiutoya, tlen neh axan ipampa intzacutoc.

<sup>4</sup>Ixconmotlatlautilican Dios manteyecahsicamatilti nitlahtoltzin quen icnamiqui inchiuas.

<sup>5</sup>Xonninimican ica yectlayolulitli innauc naquin amo pouih namouantzín, ixconyeccuican in tonalmeh.

<sup>6</sup>Namotlahtol nochipa mai mouistic uan ica yectlayolulitli, ohcon nanconmatisqueh quenih yec namontlananquilisqueh innauc sehse in tocnian.

### Tleca Pablo ictitlani in Tíquico uan Onésimo

<sup>7</sup>Nochi quen neh nicah, namechonmatiltis in totlasohicniú Tíquico. Yeh se itiquitcatzin Cristo naquin uili inauac semoyolchicaua, uan sansican itsepantiquitiliah in toTecotzin.

<sup>8</sup>Namonauactzinco intitlani nic inniqui ixconmatican quenih itcateh<sup>a</sup> uan manamechonyolchicaua.

<sup>a</sup> Siquin tlahcuilolten ictouah “para itmatisqueh quenih namoncateh”.

<sup>9</sup>Intitlani iuan Onésimo, notlasohicni u naquin inauac uili semoyolchicaua, yeh poui namouantzín. Yehuan namechonmatiltis queh nochí tlen panoua nican.

**Pablo quintlaminauatia**

<sup>10</sup>Namechontlahpaloua in Aristarco, naquin nouan tzacutoc. Noiuqui namechontlahpaloua Marcos, iprimo in Bernabé, de naquin ya nanconpiah tlanauatil; tla yaui namechontatiu, ixconyecsilican.

<sup>11</sup>Noiuqui namechontlahpaloua Jesús, naquin ictoocaayotiah Justo. Den tlaniltocanih judíos simi sayeh ninqueh tocnian naquin nouan tiquitih, uan nouan icematiltiah nitiquiuahcayo Dios, uan simi nechylchicauah.

<sup>12</sup>Namechontlahpaloua Epafra, itiquitcatzín Cristo Jesús, yeh poui namouantzín. Yeh nochipa simi tlaillius namechontlatlautilia Dios, nic icniqui xonyequihcatocan itich in tlaniltoquilis uan mai mahsic yec namochiualis uan mahsic ixconmatican nitlaniquilitzín Dios.

<sup>13</sup>Neh innamechonmatiltia quen simi motiquipachoua ica namehuantzitzín, uan noiuqui ica naquin pouih Laodicea uan ica tlen pouih Hierápolis.

<sup>14</sup>In Lucas, intotlasohicni tlapah-tani, namechontlahpaloua, uan noiuqui in Demas.

<sup>15</sup>Ixnechimontlahpaluulican in tocnian tlen cateh Laodicea, noiuqui in Ninfas uan in tlaniltocanih tlen monichicouah ichan.

<sup>16</sup>Ihcuac yonanconamapouqueh nicancah amatl, ixquimonmactican in tlaniltocanih tlen cateh Laodicea noiuqui macamapouacan; uan non amatl tlen otquimihcuiluilihqueh Laodicea, ixconualicacan uan noiuqui ixconamapouacan.

<sup>17</sup>Ihquin ixconiluican Arquipo: “In tiquitl tlen omitzonmactih in toTecotzín, ixcontlamiyeeco.”

<sup>18</sup>Neh Pablo innamechonihcuiluilia nin tetlahpalol ica neh noma. Amo ixconilcauacan neh intzacutoc. Nitetlasohitalitzín Dios mai namouantzín. [Amén.]